



Synfocity = 962

mail us at : mzsynfo@gmail.com; mizoramsynod@gmail.com - Phone - 2314648

November 7, 2024

☐ Lay Leaders' Training vawi 228-na neih a ni

Synod Multipurpose Training Centre (SMTC) buatsaih Lay Leaders Training vawi 228-na chu October 28, 2024 aţang khan SMTC-ah neih a ni a, November 1, 2024 (Zirtawp) zan khan Training kharna hun hman a ni.

Training kharna inkhawmah hian Rev. H. Lalmuanchhana, SMTC Director-in programme kaihruaiin, Rev. Dr. H. Remthanga, SMTC Managing Committee Member-in trainee-te hnenah Certificate semin thuchah a sawi a, Rev. K. Lalpiangthara'n ţawngţaisakna hun a hmang. Trainee aiawhin Upa R. Thanzuala'n thu tawi a sawi a, NI. Lalduhsaki, Durtlangin hla pahnih a sa baw. Rev. Thangzauva'n lawmthu sawina hun a hmang a, training programme khar a ni.

Tun ţum training-ah hian Presbytery pakua aţangin Kohhran Upa 41 an tel thei a, training chhunga Resource person te chu Rev. Thangzauva, Rev. K. Lalpiangthara leh Rev. Lalrinmawia te an ni.

Kohhran Upate tana Lay Leaders' Training hi kum 1996 aţang khan neih ţan a ni a, training-ah hian Kohhran Upate tan Kohhran enkawl dan leh inrelbawlna lam atana pawimawh chi hrang hrangte zir thin a ni a, Kohhran thlarau lam nun enkawl dan ţha te zir ho thin a ni baw.

☐ Board leh Committee peng hrang hrang an ţhu

Synod Inkhawmpui atana Synod Department hrang hrangte inruahman lawkna Committee chu neih chhoh zel a ni.

November 1, 2024 (Zirtawpni) chawhma dar 10:00 khan Synod Literature & Publication Board vawi 30-na chu J.M Lloyd Hall, Synod Office-ah an ţhu a, Moderator Rev. R. Vanlalngaha'n a kaihruai a, Rev. Lalbiaknia, Secretary-in report a pe. Report-ah hian Kohhran hrang hrangah Literature campaign leh Seminar neih a nih thu te, Kristian Tlangau bul ţantute zinga mi Pu Daia hriatreng nana a tuten Godrej Steel Almirah an pek thu te, lekhahu chi hrang hrang chhuah thar a nih thu te, SL&PB-in thlatina chanchinbu a tihchhuah - Kristian Tlangau, Kristian Naupang leh Synod Newsletter te chhuah chhunzawm zel a nih thu te leh project kal mek 'Thuthlung Thar Hrilhfiahna' chu bawhzui zel a nih thu te tarlan a ni.

November 4, 2024 (Thawţanni) chawhma dar 10:00 khan Synod Trust Committee vawi 45-na chu Synod Committee Room I-ah an ţhu a, meeting hi Rev. R. Vanlalngaha, Synod Moderator-in a kaihruai a, Rev. C. Zoramawia, Secretary-in report a pe. Report-ah hian October 29, 2024 khan Synod Hospital Centenary Building thar sak tur Rev. R. Vanlalngaha, Synod Moderator-in Lungphum a phum thu leh Synod Compound Kawng Black top hna thawk mek a nih thu tarlan a ni.

November 5, 2024 (Thawhlehi) chawhma dar 10:00 khan Synod Social Front Committee vawi 199-na chu J.M. Lloyd Hall, Synod Office-ah an ţhu a, meeting hi Rev. R. Vanlalngaha, Synod Moderator-in a kaihruai a. Secretary Rev. V.L. Luaia Hranleh a damloh avangin Rev. P.B. Mankima, Synod Secretary-in report a pe. Report-ah hian Ram ngaw, Nungcha leh Tuihna humhalh chungchanga kawng hrang hranga hmalak a nih dan te, Synod Charity Store hmalak mekna te, Aluminium Mistiri Training buatsaih a nih thu te, Synod Social Front Counsellor rawngbawlna te, Bial leh Kohhran hrang hrangah Seminar leh Campaign neih a nih thu te tarlan a ni.

November 6, 2024 (Nilaini) chawhma dar 10:00 khan Synod Worship Committee vawi 13-na chu J.M. Lloyd Hall, Synod Office-ah an ţhu a, meeting hi Rev. R. Vanlalngaha, Moderator-in a kaihruai a, Secretary Rev. Dr. K. Lallawmzuala'n report a pe. Report-ah hian Bial leh Kohhran hrang hranga training neih a nih thu te, June 29, 2024-a Recital programme hman a nih thu te, Residential Choir Conductors' Training neih a nih thu te, Kristian Hla Bu ennawn mek chungchang te, Pathian Biak Inkawm Hruaina Bu enţhat chungchang te tarlan a ni.

❑ Jail tang chhuakte pualin Follow up neih a ni

November 1, 2024 (Zirtawpni) khan Kulikawn Presbyterian Kohhran Hall-ah Synod Prison Ministry buatsaihin 'Jail tang chhuak Follow-Up programme vawi 4-na' hman a ni. Programme hi hun hniha hman a ni a, hun khatna hi chawhma dar 10:30-ah tan a ni a, Fakna Inkhawm atan hun hman a ni. Upa H. Lallungmuana, SPM Counsellor-in thu tawi a sawi a, Kulikawn Branch KṚP Praise Group-te kaihhrainain zai hona hun tam zawk neih a ni.

Chawhnu lam hun hi chawhnu dar 1:00-ah tan a ni a, Rev. H. Lalnthanga, SPM Committee member-in a kaihruai a, Upa Thangnghilhlova, Kulikawn Kohhranin hunserh a hmang a, Rev. Lalhmuchhuaka, SPM Director-in inlawmna neiin report pe. Ex-Prison inmate mi pasarih hnen aṭangin testimony ngaihthlak a ni a. Rev. Dr. K. Lallawmzuala, Executive Secretary i/c Prison Ministry leh Kulikawn Kohhran Upa Denghmingthanga te'n thuchah tawi an sawi bawk.

He hunah hian Kulikawn leh Tlangnuam Bial chhunga Kohhran tin - Kohhran Committee, Kohhran Hmeichhia, KṚP leh KPP Committee member-te bakah bial chhunga kohhran mipui eng emaw zatin an tawiam a, mi 120 vel an kal a ni.

Kum 2016 aṭang khan Synod Prison Ministry hian Lung ina rawngbawlina hi a kalpui tan a. Tunah hian kum 9-na a hmang mek a, thawktu Director pakhat leh Office Assistant (O/A) pakhat bakah Counsellor pariat an awm mek a ni. Ex-Prison Inmates Follow Up hi kum 2022 aṭang khan neih a ni a, kumin 2024 aṭang hian kum khatah vawihnih neih niin, June 7, 2024 khan ITI Vengchhak Kohhran Hall-ah neih a lo ni tawh bawk a ni.

❑ Prison Ministry

November 3, 2024 (Pathianni) khan Jail-ah rawngbawlina an nei a, Rev. C. Zorammawia, Senior Executive Secretary leh Rev. J.C. Lalramliana, Synod Revival Office-a mi te'n Central Jail leh Central Women's Jail-ah hun an hmang a. Kulikawn Kohhran Masihi Sangati Fellowship ten Central Jail-a Masihi sangati-ah hun an hmang thung bawk.

Tun dinhmunah Mizoramah Jail tang 1740 (Mipa 1538, hmeichhia 191 leh naupang 11) an awm mek a ni. Mizoram Jail-a tang thei zat (capacity) aiin, tuna tang mek hi mi 513 lain an tam zawk a ni.

❑ Kristian Hla Bu App tlangzarh

November 6, 2024 (Nilaini) chawhnu dar 2 khan Worship Committee, Mizoram Synod hmalaknain Kristian Hla Bu App chu Rev. R. Vanlalngbaka, Synod Moderator-in tawngtaia hlanin a tlangzarh a, Rev. Dr. K. Lallawmzuala, Executive Secretary i/c Worship-in inkhawm a kaihruai a ni.

Kristian Hla Bu App hi Lailen Consulting Pvt. Ltd. te siam niin, kum 2021 Synod Inkhawmpuiin siam ni se ti a a pawm a ni. Kristian Hlabu App-ah hian Kristian Hla Bua hla 600 dah luh a ni a, instrument hrang hrang ri thlan theih niin, part hrang hrang (Soprano, Alto, Tenor, Bass)-in a rik tir theih a, part mal chauh emaw part thlan bik ri te pawha tih rik theih a ni bawk. Heng bakah hian a tempo (hla vuak ran zawng), a transpose (key tihsan leh tihhniam) te a tih theih bawk a ni. Kristian Hla Bu Mobile App hi Android leh iOS Phone a hman theih tura duan a ni a. App hi <https://kristianhlabu.com> emaw Google Playstore-ah leh Apple App Store aṭanga download theih a ni.

App hi phone aṭanga install hian hman hmasak berah hla hi a in download, a hnulamah erawh internet tello pawhin app hi a hman theih dawn a ni. App hi tihchangtlun chhoh zel tur a ni a, a App siamtu Lailen te hian Research ti paha an siam thu leh, he Software/App hian hla hi staff notation aṭangin Tonic solfa-ah a let a, hetiang thei hi a hmasa ber a nih thu an sawi bawk.

❑ Praise On 2024

November 7-8, 2024 zan dar 7:30 hian Dawrpui Kohhran Hall-ah Synfo leh Central KṚP te buatsaih Praise On mal zai intihsiak, Top 10 intihsiak chu neih a ni dawn a. Top 10 aṭangin Top 5 thlan chhuah leh an ni ang. Intihsiak zan khatnaah hian Mizo Lengkhawm thluka sak chi Solo hla an sa ang a, zan hnihaah Pathian hla an sak duh ber an sa thung ang. Top 10 aṭang hian live music-a zai rem tur a ni.

Praise On hi Hruaina Eng TV (Zonet-12 & LPS-15) leh YouTube lamah Live-a pekchhuah a ni a. Top 5 intihsiakna hi Dawrpui Kohhran Hall-ah November 21, 2024-ah neih a ni ang a, November 22, 2024 zanah Result puan leh lawmman semna neih a ni ang.

Top 10 intihsiaik tur te:-

- | | |
|-------------------------|--------------------------|
| 1. C. Lalthanmawii | Lungmual West Branch |
| 2. Ramdingliani | Bethlehem Branch |
| 3. Sailokima | Kulikawn Branch |
| 4. J. Lalruatsangi | Sihphir Branch |
| 5. P. Vanlalhriatpuia | Chaltlang South Branch |
| 6. Samuel Lalmuanchhana | Armed Veng Branch |
| 7. Saizampuii | Tuikual North Branch |
| 8. Lalthlanawma | Ramhlun Branch |
| 9. Maria Lalmuanpuii | Chhiahtlang Bazar Branch |
| 10. Zaithanmawii | Kolasib Vengthar Branch |

☐ **Synod Mission Board**

◆ **Nepal Mission Field**

November 2, 2024 (Inrinni) khan belhtu thar pathum an awm.

◆ **Home Mission South**

November 3, 2024 (Pathianni) khan belhtu thar 11 an awm.

◆ **Jharkhand Mission Field**

November 3, 2024 (Pathianni) khan belhtu thar 15 an awm.

◆ **Patna Mission Field**

November 3, 2024 (Pathianni) belhtu thar pakhat a awm.

◆ **Karbi Anglong Mission Field**

November 3, 2024 (Pathianni) khan belhtu thar pakhat a awm.

◆ **Arunachal & Assam Mission Field (West)**

November 3, 2024 (Pathianni) khan belhtu thar pathum an awm a, kohhran dang atangin kan kohhranah mi pahnih an rawn inpe bawk.

◆ **Cambodia**

November 3, 2024 (Pathianni) khan belhtu thar pakhat a awm.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Ramthar Tlangveng	Damlo	2	₹ 20,000/-
2.	Mualkhang	Damlo	1	₹ 10,000/-
3.	Khawzawl Dinthar	Khawsak harsa	1	₹ 10,000/-
4.	Lungsum	Damlo	1	₹ 10,000/-
5.	Pamchung	Damlo	1	₹ 10,000/-
6.	Chanmari Vengthar, Serchhip	Damlo	1	₹ 10,000/-
			Belh khawm	₹ 70,000/-

☐ **FM Zoawi - Aizawl & Lunglei : Hruaina Eng Radio Programme**

November 8, 2024 (Zirtawpni) @ 7:30 p.m. :

Solo : Laldusaki - I fak ang u

Zaipawl : Ramthar Veng Bial Zaipawl - Thlarau Thianghlim min chenchilhtu

Thusawi : Rev. T. Thuamliaana - Pathian duhzawng

Solo : Ratu Bial Zaipawl - Lalpa mi hriat

Rawngbawlina report

☐ **Su Samachar Prasaran Programme :**

November 10, 2024 (Pathianni) 5:30 pm. :

Group/Choir/Solo : Kawngkharmawii - Bhajo Maan Yesu Naam

Group/Choir/Solo : Champhai Vengthlang Pastor Bial - Hamara Kal

Sermon : Rev. Jimmy Malsawmdawngliana

Group/Choir/Solo : Fabiana Malsawmtluangi - Jis Din Mein

Group/Choir/Solo : Vaivakawn Kohhran - Jay Jay Prabhu

- ❑ **Hruaina Eng TV Programme**
- 07.11.2024 (Ningani)** 8:30 pm : Thupui zir bing
08.11.2024 (Zirtawpni) 5:00 pm : Kristian Naupang Pual
09.11.2024 (Inrinni) 5:30 pm : Puitling Sunday School Zirlai
10.11.2024 (Pathianni) 8:00 am : Weekly round up
 5:30 pm : Su Samachar Prasaran
11.11.2024 (Thawhtanni) 8:30 pm : Hruaina Eng Luang chhuak - Rev. F. Lalrinnunga
12.11.2024 (Thawhlehi) 8:30 pm : Kohhran chanchin (Documentary) - Venghlui Kohhran
- ❑ **November 12-14, 2024 chhunga Synod Executive Committee (SEC)-ah Moderator leh Executive Secretary-te an thu ang.**

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form	:	Office hun chhungin ` 10/- a lei theih a ni
Dil hun chhung	:	November 21, 2024 (Ningani) tlai dar 3:00 thleng
Dil thei chin	:	Class VII pass, kum 16 chin, Kohhran dan chhunga awm
Interview	:	November 25, 2024 (Thawhtanni) chawhma dar 10:00
Class tan hun	:	January 10, 2025 (Zirtawpni)
Zir hun chhung	:	January - April, 2025

Hre Chiang duh tan Phone No. **8296035491/9612174790**-ah zawhfiah theih a ni.

Sd/-

Rev. Lalrinsanga
Principal
Presbyterian Bible School

SYNOD BOOKROOM LEHKHABU CHHUAK THAR - NOVEMBER, 2024

1. Cambodia Ramah Chanchin Tha Meichher: <i>Pastor Bena</i>	₹ 150/-
2. Sermon - I Puan In Zauh Rawh: <i>Upa Dr. K.C. Vannghaka</i>	₹ 250/-
3. Shema - Tleirawl Leh Thalal Mil: <i>Rev. Zonunsanga</i>	₹ 300/-
4. Rinna Kawng - Chhung Inkhawm Bu: <i>Rev. Dr. H. Lalnunmawia</i>	₹ 200/-
5. Naupang Devotion Bu: <i>J. Laldampuii</i>	₹ 250/-
6. Mihring Leh A Sakhua: <i>Lalchhuanawma Tochhawng</i>	₹ 800/-
7. Hla 100 - Staff Notation & Tonic Solfa: <i>Mystique Publication</i>	₹ 350/-
8. Phaizawl Lily: <i>Rev. John F. Lalhmingliana</i>	₹ 120/-
9. Sermon Tawi 100: <i>Rev. C. Lianzuala</i>	₹ 300/-
10. Kan Rawngbawlina Leh Martar Nula Rohmingthangi: <i>F. Lalhlira</i>	₹ 150/-
11. I Chawr No Leh Thei: <i>B. Zosangliana</i>	₹ 250/-
12. Thusawi Thiam Ta Che: <i>Nathael Vanchhawng</i>	₹ 200/-
13. Ka Hringnun Lehkha Phek - Lalfakzuala Chanchin: <i>LalfakZuala (IAS Retd.)</i>	₹ 450/-
14. Dr. Zatawnenga / Salai Tawna: <i>Tedika Chawngthu</i>	₹ 200/-
15. Mi-Ngo Nukiri leh A Fapa Tlira: <i>Dr. Laltluangliana Kiangte</i>	₹ 180/-
16. Jampui To Aizawl: <i>Zochhumpuii Pa</i>	₹ 200/-
17. The Book Of Mizoram Plants: <i>M. Sawmliana</i>	₹ 3,500/-
18. Physical Geography Of Mizoram: <i>V. Lalnunmawia leh Vanlaltpuia</i>	₹ 400/-
19. Mizo Mi Chakte: <i>K.C. Vanlalruata</i>	₹ 150/-

